


Skólahljómsveit Austurbæjar

Starfsáætlun skólaárið 2021-2022



Snorri Heimisson
Stjórnandi Skólahljómsveitar Austurbæjar
snorri.heimisson@rvkskolar.is

EFNISYFIRLIT

Inngangur	3
Stjórnendaskipti.....	3
Áætlað umfang starfsins næstkomandi skólaár	3
<i>Nemendafjöldi</i>	3
<i>Dreifing milli hverfa í Austurluta Reykjavíkur</i>	4
<i>Dreifing nemenda eftir Hljóðfærum</i>	5
<i>Kynjahlutfall</i>	5
<i>Kennarar og stjórnendur</i>	6
aðstaða – til kennslu og hljómsveitaæfinga	6
<i>Aukinn kostnaður vegna aðstöðuleysis</i>	7
<i>Mótun húsnæðisstefnu</i>	7
Kennsluhættir	7
<i>Hljómsveitaæfingar</i>	7
<i>Hljóðfærakennsla</i>	8
<i>Tónfræði</i>	8
<i>Foreldrasamstarf</i>	8
<i>Foreldraviðtöl</i>	9
helstu viðburðir	9
<i>Áætlaðir viðburðir 2021-2022</i>	9
<i>Æfingabúðir</i>	9
<i>Tónleikahald og spilamennskur</i>	10
<i>Utanlandsferðir</i>	10
Innra starf	10
<i>Biðlisti</i>	10
<i>skóladagatal</i>	10
<i>Samstarf eða þróunarverkefni</i>	11

<i>Áherslur í starfsáætlun sfs sem skólahljómsveitin vinnur að</i>	11
<i>mat á námsárangri</i>	11
<i>endurmenntun</i>	11
Lokaorð	12
<i>Skóladagatal 2021-2022</i>	13

INNGANGUR

Skrifstofa Skóla- og frístundaráðs óskar eftir starfsáætlunum skólahljómsveita í Reykjavík fyrir skólaárið 2021-2022. Tilgangur starfsáætlunar er að gera þróun starfsins markvisst með árangursmiðuðum markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf skólahljómsveitarinnar hefur gengið á skólaárinu og hvernig verði unnið að umbótum og nýjum verkefnum á því næsta.

STJÓRNENDASKIPTI

Nokkrar hræringar hafa verið að undanfögnu á stjórnendum skólahljómsveitar Austurbæjar. Vilborg Jónsdóttir hefur stjórnað Skólahljómsveit Austurbæjar allt frá hausti 2004 en hún lést eftir skammvinn veikindi í nóvember 2019. Í veikindum hennar komu ýmsir inn í afleysingar. Rósa Guðrún Sveinsdóttir leysti Vilborgu af frá nóvember 2018-ágúst 2019. Haustið 2019 fór Rósa Guðrún í barneignarleyfi en þá tók Sandra Rún Jónsdóttir við. Söndru til aðstoðar voru Ingibjörg Guðlaugsdóttir, Eiríkur Rafn Stefánsson og Þórunn Salóme Brynjólfssdóttir sem stjórnðu sveitunum. Haustið 2020 var staðan auglýst og Björg Brjánsdóttir var ráðin í stöðuna. Björg sagði stöðunni lausri frá janúar 2022.


Snorri Heimisson hefur nú stigið inn í afleysingu frá janúar 2022 fram á haust. Á sama tíma fór Snorri í leyfi frá stjórnendastörfum Skólahljómsveitar Árbæjar og Breiðholts sem hann hefur stjórnað frá hausti 2013. Sú ákvörðun var tekin að nýr stjórnandi myndi stjórna öllum sveitunum fram á haust og vinna í því að koma stöðugleika á starfið.

ÁÆTLAÐ UMFANG STARFSINS NÆSTKOMANDI SKÓLAÁR

NEMENDAFJÖLDI

Heildarfjöldi nemenda hjá Skólahljómsveit Austurbæjar eru 135 frá hausti 2021. Þeir koma úr 9 skólum í austurhluta Reykjavíkurborgar. Tíu nemendur koma úr öðrum skólum borgarinnar. Þar má nefna Waldorfskólann, Alþjóðaskólann, Landakotsskóla o.fl. Einnig stunda þrír nemendur sem komnir eru í framhaldsskóla hálf nátt hjá hljómsveitinni. Skólahljómsveitin hefur verið í samstarfi við Tónskála Sigursveins og Tónmenntaskólann í Reykjavík um árabil. Nemendur frá þeim fá að spila með í hljómsveitunum. Í vetur eru nemendur sem ekki stunda nátt hjá okkur en spila með okkur 21 talsins. Þeir eru ekki með í tölum hér að neðan.

Nemendur dreifast niður á skóla eins og myndin sýnir:



DREIFING MILLI HVERFA Í AUSTURHLUTA REYKJAVÍKUR

Nemendur dreifast niður á póstnúmer á eftirfarandi hátt.


Póstnúmer 103: 55 nemendur

Póstnúmer 104: 44 nemendur

Póstnúmer 105: 27 nemendur


Póstnúmer 108: 5 nemendur

Önnur hverfi í RVK: 5 nemendur




DREIFING NEMENDA EFTIR HLJÓÐFÆRUM

Skólahljómsveit Austurbæjar kennir á öll tré- og málmblasturshljóðfæri, slagverk og rafbassa. Hljóðfærin dreifast einsog myndin sýnir:



KYNJÄHLUTFALL

Haustið 2021 stunda 64 drengir, 91 stúlkur og 2 kynsegin nám við hljómsveitina.



KENNARAR OG STJÓRNENDUR

Kennarar Skólahljómsveitar Asuturbæjar eru 13 auk stjórnanda. Stjórnandi er með aðstöðu í Laugalækjarskóla en allar samæfingar hljómsveitanna fara fram í matsal Laugalækjarskóla. Kennt er í níu skólum í hverfinu.

Aðalstjórnandi stjórnar öllum hljómsveitum A-, B- og C-sveit fram á haust en þá er hugmyndin að ráða aðstoðarstjórnanda sem myndi stjórna B-sveitinni. Stjórnandi sér um allt sem kemur að stjórnun hljómsveitanna svo sem verkefnaval, skipulag æfingabúða og æfingadaga, tilfallandi spilamennskur og annað.

AÐSTAÐA – TIL KENNSLU OG HLJÓMSVEITAÆFINGA

Aðstaðan í skólunum er mjög misjöfn, sumstaðar til fyrirmyndar en á öðrum stöðum óásættanleg og væri óskandi ef það yrði ráðin bót á þeim málum í allra nánustu framtíð. Skólahljómsveit Austurbæjar missti nýlega heimastöð hljómsveitarinnar sem var í Laugarnesskóla vegna plássleysis. Stjórnendur í Laugalækjarskóla voru svo almennilegir að skjóta skjólhúsi yfir hljómsveitina. Hæsta hlutfall nemenda skólahljómsveitarinnar kemur úr Laugarnesskóla (47 nemendur). Þegar hljómsveitinni var úthýst úr skólanum var okkur lofað umbótum á aðstöðu okkar þar. Fyrirhugað er að reisa millivegg í opnu rými sem hljómsveitin hefur til sinna afnota og gera kennslustofu þar. Einnig er fyrirhugað að útbúa glugga í sama rými. Það væri mjög æskilegt að þessar framkvæmdir færu af stað sem fyrst. Í janúar 2022 var tekið í notkun útihús á skólalóð Laugalækjarskóla. Þar er skrifstofa stjórnanda og skrifstofa aðstoðarstjórnanda sem nýstist einnig til kennslu. Að auki er rúmgott herbergi með flygli sem nýstist til kennslu og er tilvalið til prófa og fundarhalds.

Aðstaða til hljómsveitaæfinga er í matsal skólans sem er ekki kjörin aðstaða til hljómsveitaæfingar. Hljóðvist er ekki nægilega góð og aðstaðan býður ekki upp á standandi æfingaaðstöðu sem felur í sér mikla aukavinnu.

Hljómsveitinni áskotnaðist einnig aðstaða í Langholtsskóla, en þar er búið að koma fyrir þremur gámum á skólalóðinni sem Skólahljómsveitin nýtir til kennslu. Í gámunum er rafmagn og internet, en ekkert rennandi vatn og þar að leiðandi engin salernisaðstaða. Þetta er auðvitað ekki boðlegt til lengri tíma og er það von mín að þetta sé aðeins til bráðabirgða í stuttan tíma meðan verið er að leita að framtíðarlausn.

Þegar starfsemi skólahljómsveita hófst í Reykjavík fyrir röskenndum hálfri öld var gert ráð fyrir að þeim nýttist almennt húsnæði skólanna fyrir starf sitt. Ekkert skólahúsnæði í Reykjavík er þó hannað með þetta fyrir augum. Hljóðvist á hljómsveitaræfingum er oftast óviðunandi bæði fyrir stjórnendur og börnin sem við vinnum með. Mælingar sýna að hljóðstyrkur á æfingum fer langt yfir ráðleg mörk. Í kennslurýmum er hljóðvist oft mjög slæm og veldur oft óþægindum hjá starfsmönnum. Kennarar kvarta undan

höfuðverk og suði í eyrum. Það er löngu orðið tímabært að fá sérfræðing til þess að mæla hljóðstyrk í allri kennsluaðstöðu skólahljómsveita í Reykjavík.

AUKINN KOSTNAÐUR VEGNA AÐSTÖÐULEYSIS

Þegar skólahljómsveit er ekki með standandi aðstöðu fer mikill tími í að undirbúa hverja æfingu og ganga frá eftir hverja æfingu. Það þarf að kaupa utanaðkomandi aðstoð til þess að stilla öllu upp og ganga frá. Þegar 50-60 börn mæta á æfingu þarf að vera búið að setja upp jafnmörg nótnastatíf og stóla. Auk þess þarf að undirbúa slagverk fyrir 5-7 slagverksleikara. Við höfum verið að nýta okkur nemendur okkar sem komnir eru í framhaldsskóla og greiðum þeim fyrir að koma og aðstoða okkur við uppsetningu og frágang.

Endurnýjun á búnaði er óeðlilega mikil hjá okkur þar sem búnaður – nótnastatíf og slagverk, fer illa við það að vera á stöðugum þeytingi í stað þess að fá að standa. Viðvera stjórnanda er óeðlilega mikil þar sem hann kemur fyrstur og fer síðastur út úr húsi. Hann getur aldrei farið fyrr en búið er að ganga frá öllu. Þetta skapar aukakostnað þar sem stjórnandi ætti að fá greidda eftirvinnu fyrir þessa viðveru.

MÓTUN HÚSNÆÐISSTEFNU


Ég kalla eftir því að mótun húsnæðisstefnu skólahljómsveita fari í gang á þessu ári. Aðstaða skólahljómsveita í Reykjavík er afar misjöfn. Vel hefur þótt takast til í Grafarvogi og oft horfa aðrir stjórnendur þangað. Í nágrannasveitafélögum allt í kringum okkur er aðstaða fyrir Skólahljómsveitir talsvert betri en í Reykjavík. Þar má nefna að í Kópavogi var byggt yfir skólahljómsveit Kópavogs veglegt hús með æfingasal, sjö rúmgóðum kennslustofum, skrifstofum, vinnuaðstöðu kennara og tilheyrandi geymslum fyrir hljóðfæri og búninga.

KENNSLUHÆTTIR

HLJÓMSVEITAÆFINGAR

Hjá Skólahljómsveit Austurbæjar eru 3 hljómsveitir A-, B-, og C-sveit. Í A-sveitinni eru að jafnaði nemdur úr 2-5. bekk, í B-sveit eru að jafnaði nemendur úr 5.-7. bekk. Til þess að komast inn í C-sveit er æskilegt að nemendurhafi þreytt samræmt grunnpróf á vegum prófanefndar tónlistarkólanna og að þau séu komin í 8. bekk.

Hver sveit æfir tvisvar sinnum í viku. A-sveitin æfir tvisvar sinnum 50 mínútur tvo daga vikunnar, B-veitin tvisvar sinnum 60 mínútur tvo daga vikunnar á meðan C-sveitin æfir einu sinni 60 mínútur og einu sinni 90 mínútur.



Skólahljómsveit Austurbæjar

ÆFINGATÍMAR 2021-2022

A sveit

mánudagar kl. 16:00-16:50
fimmtudagar kl. 16:30-17:20

B sveit

þriðjudagar kl. 16:00-17:00
fimmtudagar kl. 15:30-16:30

C sveit

mánudagar kl. 17:00-18:30
fimmtudagar kl. 17:30-18:30

HLJÓDFÆRAKENNSLA

Í Skólahljómsveit Austurbæjar fá nemendur 50 mínútur í einkakennslu á viku meðan þeir eru í A-sveit, en nemendur í B- og C-sveit fá 60 mínútur. Nemendur eru venjulega í A-sveit fyrstu tvö árin. Í einkakennslu er kennt skv. námskrá tónlistarskóla og taka nemendur ýmist árspróf á vorin eða áfangapróf á vegum prófanefndar tónlistarskólanna. Nemendur taka venjulega grunnpróf á vegum prófanefndar í lok 7. bekkjar og færast upp í C-sveit þegar þeir hefja nám í 8. bekk.

Kennsluhættir á hljómsveitaæfingum eru bæði hefðbundnir og óhefðbundnir. Nemendur spila eftir nótum en einnig er unnið með söng og klapp. Í æfingabúðum er markmiðið að vinna einnig á skapandi hátt þar sem tíminn í æfingabúðum leyfir meira svigrúm.

TÓNFRÆÐI

Skólahljómsveit Austurbæjar hóf kennslu í tónfræði haustið 2021. Tónfræðin fer allvel af stað. Hugmyndin er að nemendur hafi lokið grunnnámi í tónfræði áður en þeir koma í C-sveit. Frá hausti 2021 var farið af stað með hraðferð í tónfræði. Í áfanganum eru nemendur í 7. Bekk. Þau luku grunnnámi 1 fyrir áramót og taka grunnám 2 eftir áramót. Að loknu grunnnámi 2 þreyta þau grunnpróf í tónfræði. Hugmyndin er að fjórir áfangar verði kenndir í tónfræði, grunnám 1, grunnám 2, miðnám 1 og miðnám 2. Nemendur úr 6. bekk eru venjulega í grunnnámi 1 og nemendur úr 7. bekk í grunnnámi 2. Þetta gerir það að verkum að allir nemendur geti tekið fullgilt grunnpróf á hljóðfærið sitt skv. námskrá tónlistarskólanna. Stefnt er að því að bæta einum áfanga við haustið 2022-miðnámi 1.

FORELDRASAMSTARF

Í Skólahljómsveit Austurbæjar hefur verið rekið mjög öflugt foreldrafélag sem gengur undir nafninu FORSA. Vilborg Jónsdóttir fyrrverandi stjórnandi sveitarinnar kom því á laggirnar og það hefur lifað mjög góðu lífi. Öflugt foreldrafélag er ómissandi og mjög veigamikill þáttur í starfinu. Hlutverk foreldrafélagsins er m.a. að hjálpa til við að fjármagna félagslega hluta starfsins og tónleikaferðir innanlands sem utan. Það gera þau með kaffisölu á haust- og vortónleikum, bingóum og með því að halda utan um sölu sem hver og einn nemandi getur verið með og safnað þannig pening. Foreldrafélagið er að vinna í því um þessar mundir að festa kaup á nýjum búningum í samstarfi við stjórnanda.

FORELDRAVIÐTÖL

Öflugt samstarf við foreldra er gríðarlega mikilvægt í tónlistarkennslu. Foreldraviðtöl eru haldin einu sinni á önn. Á haustönninni hafa verið haldin einkaviðtöl þar sem foreldrar eru boðaðir í viðtöl við hljóðfærakennarann með sínu barni. Á vorönninni er haldin foreldravika þar sem foreldrar eru hvattir til þess að koma í heimsókn í tíma með barni sínu. Foreldrar eru ávallt velkomnir á æfingar og í einkatíma. Tónlistarnám er sjálfsnám og því mikilvægt að nemendur æfi sig heima á hljóðfærið. Þegar kemur að heimaæfingum er hvatning foreldra afar mikilvæg.

HELSTU VIÐBURÐIR

ÁÆTLAÐIR VIÐBURÐIR 2021-2022

Haustið 2021 fór allvel af stað þrátt fyrir Covid-19 faraldur. Faraldurinn hafði lítil sem engin áhrif á æfingar hjá okkur. Glæsilegir hausttónleikar voru haldnir í Laugarneskirkju 22. nóvember þar sem allar sveitir léku nokkur lög. Sveitirnar komu fram í þrennu lagi vegna fjöldatakmarkana. Þann 12. desember var blásið til jólatónleika í Hörpu sem þóttu takast vel. Tónleikarnir voru haldnir í Flóanum sem verið er að skoða sem framtíðartónleikasal fyrir Skólahljómsveitir í Reykjavík.

Vortónleikar eru áætlaðir laugardaginn 26. mars. Það getur verið að þeir verði færðir til um 2-3 vikur þar sem við náðum ekki að byrja starfið að fullum krafti á nýju ári vegna Covid-19 faraldursins.

ÆFINGABÚÐIR

Æfingabúðir eru venjulega mikið tilhlökkunarefni hjá nemendum hljómsveitarinnar. Þá er farið út á land og gisti einu til tvær nætur oft í heimavistaskólum úti á landi. Við höfum notast við aðstöður í Þykkvabæ, Laugalandi í Holtum, Hlíðardalasskóla, grunnskólanum í Þorlákshöfn og Varmalandi í Borgarfirði. Allar sveitir A-, B- og C-sveit fara í æfingabúðir einu sinni á vetri. Haustið 2021 fengum við leyfi til þess að fara með allar sveitir í æfingaferð. C-sveitin heimsótti Varmaland í Borgarfirði og átti þar frábæra

helgi. A- og B-sveitir héldu sinn æfingadag heima í héraði og aðstaða okkar í Laugalækjarskóla var nýtt til þess. B-sveitin gisti eina nótt en A-sveitin hélt æfingadag. Oftast er farið í æfingabúðir í janúar-mars til þess að æfa fyrir vortónleika sem venjulega eru haldnir í mars. Stefnan er tekin á að fara aftur með allar sveitir í æfingaferðir í febrúar og mars 2022 (sjá meðfylgjandi skóladagatal).

TÓNLEIKAHALD OG SPILAMENNSKUR

Tónleikahald og sýnileiki Skólahljómsveitar Austurbæjar er mjög mikill. Í lok hverrar annar eru haldnir stórir tónleikar þar sem allar hljómsveitir koma fram. Haust- og vortónleikar hafa verið haldnir í Laugarneskirkju, en í desember 2021 var gerð tilraun með að halda tónleika í Flóanum í Hörpu. Auk vor- og hausttónleika koma hljómsveitirnar oft fram við hin ýmsu tækifæri. Hljómsveitin hefur frá upphafi tekið þátt í „Óskalögum þjóðarinnar“ sem haldin er að hausti ár hvert í Hörpu á vegum SÍSL. Auk þess tekur hljómsveitin að sér að spila á vorhátíðum skólanna í hverfinu, á leikskólahátíðum og fleiri viðburðum í hverfinu. Hljómsveitin sendir venjulega atriði á Nótuna sem haldin er að vori og er uppskeruhátíð tónlistarskóla á öllu landinu. Það hefur myndast hefð fyrir því að setja saman litla hópa úr hljómsveitinni sem koma fram í kirkjum í hverfinu í kringum jólin og á vorhátíðum. Hljómsveitin hefur einnig verið í samstarfi við Laugardalslaug og Kaffi Laugalæk þar sem hljómsveitin hefur komið fram endrum og sinnum. Að auki spila allir nemendur á tónfundi a.m.k einu sinni á önn. Þar spila nemendur einir á sitt hljóðfæri oftast við undirleik kennara síns.

UTANLANDSFERÐIR

Elsta sveit Skólahljómsveitarinnar reynir að fara í heimsókn út fyrir landsteinana annað hvert ár. Síðasta ferð var farin til Króatíu árið 2019. Lítið hefur verið aðhafst í skipulagningu út fyrir landsteinana undanfarið vegna Covid-19 faraldurs. Börnin safna sér venjulega fyrir ferðinni með sölu á ýmsum varningi sem foreldrafélagið skipuleggur. Auk þess nýta þau ágóða úr spilamenskum til þess að styrkja slíkar ferðir.

INNRA STARF

BIÐLISTI

Það eru um 20 börn á biðlista eftir pláss hjá Skólahljómsveit Austurbæjar. Sá listi samanstendur af börnum úr öllum skólum hverfisins. Óskandi væri að öll börn sem vildu læra á hljóðfæri kæmust að. Námið er aðgengilegt, ódýrt og mjög félagslega uppbyggjandi þar sem félagsfærniþátturinn í starfi skólahljómsveita er mjög mikill.

SKÓLADAGATAL

Skólahljómsveitin starfar í 35 vikur á ári. Starfið hefst í lok ágúst og lýkur í lok maí. Starfsdagar eru 8 á skólaárinu. Þrír áður en kennsla hefst og fimm eftir kennslu. Sjá skóladagatal 2021-2022 aftast í þessari skýrslu.

SAMSTARF EÐA ÞRÓUNARVERKEFNI

Skólahljómsveitin hefur verið í samstarfi við Sinfóníuhljómsveit Íslands skólaárið 2021-2022. Haraldur Vignir Sveinbjörnsson var fenginn til þess að útsetja lög um dýrin fyrir C-sveit og Sinfóníuhljómsveit Íslands. Nýr stjórnandi hefur tekið að sér að skoða málið.

ÁHERSLUR Í STARFSÁÆTLUN SFS SEM SKÓLAHLJÓMSVEITIN VINNUR AÐ

Áhersla verður áfram á að tilboð skólahljómsveitarinnar standi öllum til boða. Lögð er áhersla á að kynna tilboðið vel með skólaheimsóknum. Allir eru velkomnir og allir geta verið í náminu á sínum forsendum. Hlutverk skólahljómsveitarinnar er að veita börnum og ungmennum bestu mögulegu tónlistarmenntun í samvinnu við grunnskóla og frístundastarf, fjölskyldur og nærsamfélag.

Skólahljómsveit Austurbæjar leggur sig fram við að vera framsækin, sýnileg, lifandi og nýjungagjörn stofnun sem laðar að sér mjög hæfa starfsmenn og nýja nemendur.

MAT Á NÁMSÁRANGRI

Allir nemendur þreyta próf á vorin. Venjan er að nemendur taki svokölluð þrepapróf sem eru próf innan skólans skv. námskrá sem skólahljómsveitir Reykjavíkur hafa unnið sameiginlega að undanfarin ár. Eftir nám í 3-4 ár tekur nemandi grunnpróf skv. námskrá tónlistarskólanna. Þá kemur dómari frá prófanefnd tónlistarskólanna og dæmir prófin. Það lítur út fyrir að hátt í 20 slík próf verði þreytt nú í vetur. Nemendur skólahljómsveitarinnar hafa komið mjög vel út á áfangaprófum.

ENDURMENNTUN

Stefna skólahljómsveitarinnar er að stuðla að stöðugri endurmenntun starfsmanna sinna. Á starfsdögum að hausti er haldinn sameiginlegur starfsdagur kennara skólahljómsveita Reykjavíkurborgar sem stjórnendur hljómsveitanna skipuleggja. Þar er venjan að bjóða upp á námskeið í tölvunotkun, spuna, kennslu barna með sérþarfir, skyndihjálp og annað gagnlegt. Í febrúar 2020 fóru kennarar og stjórnendur skólahljómsveita í Reykjavík í endurmenntunarferð til Barcelona. Sótt var um Erasmus styrk sem greiddi stóran hluta ferðarinnar en eftirstöðvar fengu kennarar greiddan úr sínum endurmenntunarsjóð hjá viðkomandi stéttarfélagi. Þar sóttum við heim Joan Chamorro sem leiðir San Andrea jazz band. Starf hans hefur hlotið fjöldan allan af viðurkenningum fyrir metnaðarfullt starf fyrir ungmenni. Heimsóknin heppnaðist afar vel

Starfsáætlun Skólahljómsveitar Austurbæjar 2021-2022

og kennarar snéru til baka uppfullir af nýjum hugmyndum og fróðleik. Stefnt er að því að fá Joan Chamorro til okkar á starfsdaga í vor 2021 til áframhaldandi fróðleiks, en það var ein af forsendum Erasmus styrksins að menntunin ætti sér stað í báðum löndum. Enn hefur ekkert orðið úr heimsókn Joan Chamorro til Íslands sökum Covid-19 faraldursins.

LOKAORÐ

Það er heiður að starfa sem stjórnandi skólahljósveitar í Reykjavík. Starfið hefur þróast á mjög jákvæðan hátt undanfarin ár. Kvóti hefur aukist jafnt á undanförunum árum og er nú 130 klst. á viku. Aðstaða í húsnæði borgarinnar hefur lagast en á þó langt í land til þess að verða fullnægjandi. Skólahljósveitir Reykjavíkurborgar hafa verið starfandi í rúma hálföld án þess að nokkur tíma hafi verið gert ráð fyrir þeim. Ég tel löngu vera kominn tími á að reisa þar til gert húsnæði í hverfum borgarinnar utanum skólahljósveitir.

Hljósveitirnar fjórar vinna mikið saman og stjórnendurnir fjórir sækja reglulega aðstoð til hvers annars. Þeir deila nótum og lána hljóðfæri sín á milli ef þörf er á. Kennarar hljósveitanna hittast reglulega á starfsdögum og jólahlaðborðum. Þeir eru búnir að stofna hópa þar sem farið er í heitu pottana, út og að borða og fleira skemmtilegt sem þjappar hópnun saman.

Það er einstakt að geta haldið uppi svo öflugum lúðrasveitastarfi í ekki stærri borg en Reykjavík. Það eru ca. 520 börn að læra að spila á blásturshljóðfæri hjá Reykjavíkurborg sem öll spila í sinni lúðrasveit. Það þarf ekki að fara langt út fyrir landsteinana til þess að sjá hnignun á sambærilegu starfi í nágrannalöndum okkar. Þetta gerist hinsvegar ekki að sjálfu sér. Stjórnendur og kennarar sem starfa hjá skólahljósveitum eru eldhugar sem lifa fyrir sitt starf. Það þarf að passa að hlúa áfram að starfinu svo það haldi áfram að dafna. Sú hugmynd að nemendur komi saman úr mörgum skólum og spili á hljóðfæri saman er afar falleg. Þetta gerir það að verkum að barn sem er undir í sínum skóla finnur ekki fyrir einelti í skólahljósveit því þar eru allir að vinna að sameiginlegu markmiði, að skapa tónlist.

SKÓLADAGATAL 2021-2022

Nafn skóla: Skólahljómsveit Austurbæjar

Skóladagatal 2021 - 2022

Samband íslenskra sveitarfélaga

	AGÚST	SEPTEMBER	OCTOBER	NOVEMBER	DESEMBER	JANÚAR	FEBRÚAR	MARS	APRIL	MÁJ	JÚNÍ
1. S	1. M	1. F	1. F	1. M	1. M	1. S	1. D	1. D	1. F	1. S	1. M
2. M	Frídag vestráttarmanna	2. F	2. L	Langfríð Að Senda	2. D	2. S	2. M	Þvönguvertíðing 4	2. L	Langfríð C veit	2. F
3. D		3. F	3. S	Langfríð Að Senda	3. M	3. M	3. F	3. F	3. S	Langfríð C veit	3. F
4. M		4. L	4. M		4. D	4. D	4. F	Kennarafundur	4. M	Langfríð C veit	4. L
5. F		5. S	5. D		5. S	5. L	5. L		5. D	Prófesa	5. S
6. F		6. M	6. M	6. L	6. F	6. F	6. S		6. M	Prófesa	6. M
7. L		7. D	7. F	7. S	7. D	7. F	7. M	Fréttir	7. F	Prófesa	7. L
8. S		8. M	8. F	8. M	8. M	8. L	8. D	Fréttir	8. F	Prófesa	8. S
9. F		9. F	9. L	9. F	9. F	9. S	9. M	Fréttir	9. L	Prófesa	9. F
10. D		10. S	10. S	10. M	10. F	10. M	10. F	Fréttir	10. S	Prófesa	10. F
11. M		11. L	11. M	11. F	11. L	11. D	11. F	Fréttir	11. M	Prófesa	11. L
12. F		12. S	12. D	12. F	12. S	12. M	12. L	Fréttir	12. D	Prófesa	12. S
13. F		13. M	13. M	13. F	13. M	13. F	13. S	Fréttir	13. M	Prófesa	13. M
14. L		14. F	14. F	14. S	14. D	14. F	14. M	Fréttir	14. F	Prófesa	14. D
15. S		15. F	15. F	15. M	15. M	15. L	15. D	Fréttir	15. F	Prófesa	15. M
16. M		16. F	16. L	16. D	16. F	16. S	16. M	Fréttir	16. L	Prófesa	16. F
17. D		17. S	17. S	17. M	17. F	17. M	17. F	Fréttir	17. S	Prófesa	17. D
18. M		18. M	18. M	18. F	18. L	18. D	18. F	Fréttir	18. M	Prófesa	18. L
19. F	Starfsdagur 1	19. S	19. D	19. F	19. S	19. M	19. L	Fréttir	19. F	Prófesa	19. S
20. F	Starfsdagur 2	20. M	20. M	20. F	20. M	20. F	20. S	Fréttir	20. M	Prófesa	20. M
21. L		21. F	21. F	21. S	21. D	21. F	21. M	Fréttir	21. F	Prófesa	21. D
22. S		22. M	22. F	22. M	22. M	22. L	22. D	Fréttir	22. M	Prófesa	22. M
23. M		23. F	23. L	23. S	23. D	23. M	23. M	Fréttir	23. L	Prófesa	23. F
24. D	Starfsdagur 3	24. F	24. S	24. M	24. F	24. M	24. F	Fréttir	24. S	Prófesa	24. F
25. M		25. L	25. M	25. F	25. L	25. D	25. F	Fréttir	25. M	Prófesa	25. L
26. F		26. S	26. D	26. M	26. F	26. M	26. M	Fréttir	26. F	Prófesa	26. F
27. F		27. M	27. M	27. L	27. M	27. F	27. S	Fréttir	27. M	Prófesa	27. S
28. L		28. D	28. F	28. S	28. D	28. F	28. M	Fréttir	28. L	Prófesa	28. D
29. S		29. M	29. F	29. M	29. M	29. L	29. D	Fréttir	29. S	Prófesa	29. M
30. M	Upphafsskólaráðgjafir	30. F	30. L	30. M	30. F	30. S	30. M	Fréttir	30. L	Prófesa	30. F
31. D	Fréttir	31. S	31. S	31. M	31. F	31. M	31. F	Fréttir	31. D	Prófesa	31. F